

麟遊縣新志草

...

麟遊縣新志草
新志草
麟遊縣
PDG

麟遊縣志草卷三

田賦志

者賦出於田田必有戶然非里甲莫屬志田賦不及里
甲則生齒盈虛阡陌南東莫辨也麟居萬山水不能漑有
地無田前明編戶十七里因泮水患以雪白里析入之存
廿六里順治間擴爲六里後易爲七東曰月院里統甲八
東北曰土平原里統甲十北曰下平原里統甲五西曰普
鞠里統甲十又西曰畫閣里統甲十南曰長舍里統甲六
自城而南曰興谷里統甲九蓋平原里地濶而人較聚故

析之今仍所習以書云

庚前明迄

國初皆失考嘉慶間九千四百一十有九口四萬六千九百五十軍籍商民在焉戶今減至八千九百六十有一口減至四萬二千八百軍籍商民匠戶仍并列也

田原額地一萬五千四百九頃二十五畝有餘鼎革後實
蕪地一萬四千七百一十二頃八十四畝有餘順治九年
三用知縣吳徵爲閩民之困陳情大府請

詣羅丈實地六百九十六頃四十畝有餘節年開墾五十

六頃五十一畝有餘實地七百五十二頃九十二畝有餘
康熙三十三四五年開墾自乾隆二十九三十三十一
等年起科地一十二頃十四畝有餘雍正三四五六七八
等年及十二三年開墾自乾隆元二年起科地八十二頃
四十畝八分雍正十年開墾自乾隆六年起科地一百二
十八頃五十二畝有餘乾隆十七年開墾當年起科地一
百二十五畝共地九百八十六頃二十四畝有餘
書院地二十一頃三十畝在南坊者一頃十一畝在尹家
原者二頃在趙家山者二頃在魏裡者一頃七畝在六角

合者一十二頃在郭家者八十畝在杜老溝者六十畝在
科郎溝者三十畝在盤磨溝者八十畝

賦舊額起運戶部夏稅各倉糧折徵銀三千七百八兩四
錢有奇除荒徵銀二百三十三兩三錢有奇秋糧起運各
倉折徵銀六千六十四兩八錢有奇除荒徵銀三百八十
一兩六錢有奇宗祿銀及抵祿銀二千七百四十四兩八
錢有奇除荒徵銀一百七十五兩三錢有奇改解部數內
本府富聚庫糧銀贍鹽火食銀節裁銀地畝九釐銀原協
甯夏舖陳銀共三千五百八十五兩四錢有奇除荒徵銀

二百四十三兩五錢有奇禮部藥味銀八兩除荒徵銀七錢有奇牲口盤費銀六十兩除荒徵銀五兩六錢有奇工部年例料價并盤座銀一百六十兩七錢有奇除荒徵銀一十兩有奇毛襖銀七十四兩八錢除荒徵銀七兩有奇起運各部銀一萬六千三百五十三兩二錢四分有奇除荒徵銀一千五十七兩四錢三分有奇今裁

原額徵本折糧一萬六千二百二十二石五斗六升二合每石折銀一兩二錢二分六釐有奇共徵銀一萬九千七百五十七兩三錢九分八釐鼎革後荒銀一萬八千七百

四十五兩有奇順治九年知縣吳汝爲清丈後實徵本折糧八百五十八石七斗九升有奇折徵銀一千七十七兩一錢七分有奇自順治十三年至乾隆十七年止節經開墾升科增徵本折糧三百四石二斗五升有奇總計徵官學倉本色糧八石六升一合有奇折色糧一千一百五十四石九斗八升五合有奇共額定歲徵本折糧一千一百六十三石四升六合有奇折徵銀一千四百七十一兩有奇

丁原額三門九則不等共折下丁一萬一千二百七十

五丁每丁徵銀二錢五分七釐有奇共徵銀二千九百七
兩九錢五釐除優免逃亡丁一萬四百一十七丁又各年
新增編審出丁二百五十八丁行差丁一千一百一十六
乾隆六年至三十六年共編審出滋生丁二百九十丁共
丁一千四百零七丁康熙五十二年三月奉

恩詔後遇編審之期但據康熙五十年丁冊定爲常例續
生人丁永不加賦共徵銀三百五十六兩六錢九分七釐
雍正五年攤入地糧徵解

丁賦前明計口食鹽因鹽定課原額併紙鞘價銀三百八

十九兩七錢六分蓋準一萬餘丁之數也鼎革後丁少課多民尤苦之知縣吳汝爲籲情請免後改定課銀二十七兩八分四釐由靈州花馬小池產鹽處民運民銷其銀自封交納轉解山西河東道庫近則由七里派出矣

均徭銀原額五百四十三兩七錢九分有奇除荒實額銀六十兩二錢二分額外應徵匠價銀一十三兩八錢有奇停免銀二十九兩六錢有奇課程銀二十兩二錢有奇均攤入地糧徵解

統計地丁及均徭各款共徵銀一千八百八十八兩五錢

五分奉

旨以糧載丁減銀一百三十三兩九分四釐實徵銀一千七百七十五兩六錢九分六釐遇閏加徵銀一十四兩六分有奇

舊志存畱銀共六千三百九十九兩五錢有奇順治九年

四月會議裁扣各役工食實存銀六千一百七十四兩三

錢有奇除荒存銀三百六十三兩八錢有奇遇閏加銀一

百六十六兩六錢有奇舊編冗費裁剩解部銀五百一十

六兩一錢有奇除荒實存銀三十五兩三錢有奇是年知

縣吳汝爲因熟糧活丁存畱僅二百一十八兩三錢有奇
應解經費二千五百二兩二錢有奇杯水車薪勢難兼顧
力請除荒畱支官役俸工牘數上乃允此舊志存畱之梗
概也

賦役全書原編存畱銀五千二百三十五兩九錢有奇除
荒存銀三百八十八兩八錢有奇除額協站支抵餉及平
涼靜甯等驛所銀實畱銀一百八十七兩八錢有奇加增
撥補官役俸工及八蜡祭祀孤貧等項銀八百九十三兩
七錢有奇夫馬工料銀五十九兩有奇共畱支銀一千一

百三十八兩二錢有奇除嘉慶十八年裁撤訓導移設甯
陝廳訓導衙門俸工等銀及節次裁減站雜各款銀於存
留內提撥解司銀壹百六十兩有奇復於存留內扣解裁
成減平銀貳百三十叁兩有奇實留柒百肆拾伍兩有奇
論曰吾聞孟子之論政其始曰民事繼曰恆產恆心而終
之以分田制祿可坐而定夫何急急於民哉蓋習俗教化
相爲盛衰觀於鄉而概可知矣

國家分土授民取下有制以小人而養君子尊君親上之
義寓焉使急私廢公靳而不與人心風俗尙堪言乎余來

麟七閏月矣視義倉諸舉踴躍趨公竊喜風猶近古而揆
其往者逋賦之積不過一二子衿之不肖者與奸胥里正
侵漁而中飽耳非民咎也夫麟在前明人材彪炳風會稱
盛迨兵燹頻經聲華遂爲銷歇而士之力學而敦行者彬
彬然質有其文猶不失爲篤實周謹焉其他雖樸魯然陶
穴而居力穡而食無宮室之美膏粱文繡之華甘貧守約
不競錐刀不尙鬪爭訐訟終歲而無犯重法者其風亦何
厚歟謂非唐風蟋蟀之遺歟至古凶軍兵不必盡符於古
究無敢妄干而擅越者聖人云與其奢也甯儉不遜也甯

固善哉言乎後之守土者能勿慎重民事思有以轉移之歟若舊志瑣瑣於歲時嬉遊婚喪節末者概不錄

物產以徵土宜麟山磽地瘠無珍產穀之類約與鄰邑同而獨不宜稻蔬則地寒晚成人不習圃圃有亦不佳恆仰食於郡木與他邑同惟桑不宜蠶蓋山寒不能養也且無解纜者其果亦類他處惟胡桃較多花以牡丹芍藥秋菊稱最餘皆具體而已藥物雖數十品罕有良者所用皆資外郡且山深多虎狼不易採也鳥獸常畜外雉與狼稱最動輒爲羣餘類郡屬其他蜜椒氈炭諸貨僅能自給磁器

雖出八馬坊澄名里殊不佳難倚爲利也余初至訝民間
多胡桃詢之云知縣吳汝爲教民廣植以濟穀乏者閱吳
志信然嗟乎宰斯邑者能勿興民之利歟

麟遊縣新志草卷四

官師志

無君子莫治野人古於郡有守邑有令有尹郡國有學既富之必教之也麟在隋爲郡且兼有普潤官師顧不重哉然恆失考隋得一人司馬武義甯二年任麟遊守

唐得三人舊志一人楊瑒字瑤光華州人令麟值竇懷貞大營金仙玉貞二觀檄取畿內負逆人租者暴斂以佐費瑒拒不與貞怒曰縣令而抗大夫命乎瑒曰所論者民寃抑耳位高下何與貞壯其言而止後爲國子祭酒多所建

白累官至大理寺卿卒祀名宦又有李宣業裴浩俱見宰相世系表

宋知縣舊志三人元祐中二人閭上功刻淩烟閣功臣像遊師雄詩者郭九齡鑄劉敞蘇軾石林亭詩者

仁宗時一人郭虎九齡子尹邑時夏人犯境郡邑震恐率

兵破之卒無虞祀名宦

按元祐爲哲宗年號後仁宗二十餘年豈虎先任而其父嗣任乎抑

誤以景祐爲元祐乎姑仍之以俟參考

近復得四人宣和間一人王伏見天台山題名

熙甯中一人王竦下蔡人能文工書有五龍泉記萬年宮